



14. august 2009

EM 2009/21

Inatsisartut suleriaasianni § 32 naapertorlugu matumuuna aalajangiiffisassatut siunnersummiq imaattumik saqqummiussissaanga:

Kalaallit Nunaanni ilinniaqqiffiusuni ilinniartitsinerup qaffasissusaata misissorneqarnissaanik imaqtumik misissuinissamik aallartitsinissaamut Inatsisartunut aaliangiussassatut siunnersuut. Misissuineq sanilliunneqarsinnaasariaqassaaq misissuinernut nunani killerni allani ingerlanneqarsimasunut assigusunut.

(Inatsisartunut ilaasortaq Niels Thomsen, Demokraatit)

Tunngavilersuut

Nuannerpoq kalaallit inuusuttut nunatsinni ilinniaqqinnissaminut periarfissaqarmata. Pingaaruteqarporli ilinniarfiit qaffasissutsimikkut nunani killerni ilinniarfinni assigusuni sanilliunneqarsinnaasariaqarnissaat.

Amerlanernit paasineqariartorpoq Kalaallit Nunaanni immitsinnut mattulluta inuusinnaannngitsugut. Ajortuni ajunngitsunilu nunarsuarmut tamarmut inuiannut ilaavugut. Demokraatit paasinnittarnerat malillugu tamanna isumaqarpoq, nunarsuaq tamakkerlugu suleqatitsinnut sanilliussinnaasumik ilinniartitaanermi qaffasissuseqarnissarput anguniartariaqarippu. Kinguaraluarutta unammillersinnaajunnaarlatalu arlaatigut inuiaqatigiinnut uatsinnut ikittunnguusunut kingunerluttussaavoq.

Taamaammat pingaaruteqarpoq inuusuttortatta ilinniaqqiffissaqartinneqarnerat naammagisimaaginnarlugu iluarusuutigiinnannginnissaa. Ilinniarfiit qaffasissutsimikkut tulluunnissaat qularnaartariaqarparput. Nunatsinniinnaq atorneqarsinnaasunik nunanili allani suliffeqarfanni atorneqarsinnaannngitsunik inuit ilinniagaqartikkaluarutsigit imminut akilersinnaanngilaqs. Taamaaliorutta unammillersinnaannngornaviangnilagut.

Oqanngilanga ilinniaqqiffit maani pigisagut nunani allaniit appasinnerusumik inisisimasut. Oqarniarpungali qaffasissutsip misissorneqarnissaa kissaatigalugu, taamaalilluta pisariaqalissappat politikkikkut suliarilluakkamik tunngavissaqalernerussagatta.

Misissuineq Ilisimatusarfik ilinniaqqiffiillu allat maani nunatsinniittut peqatigalugit suleqatigilluarlugillu ingerlanneqartariaqarpoq. Pingaaruteqarporli aamma nunani allani misilittagartuut atuisuusullu misissuineremi peqataatinneqarnissaat, taamaalilluni misissuineq sapinngisamik tunngavissaqaluarsinnaanerussammatt.

Taamatut oqaaseqarlunga Naalakkersuisut akissuteqaatissaat partiillu allat ilanngussaqarnissaat qilanaaraakka.